

醫驗錄二集序

嘗思醫之爲道非細故也
醫得其道則生醫失其道
則死死生之際大矣豈區
區俗學能盡其道哉是以

古昔皆君師卿相及賢智之士研究精微藉以濟世與禮樂刑政同爲安全民生之具如神農軒轅君也岐伯師也長沙梁公卿相

也越人倉公賢智之士也
調劑群黎普惠四海物無
疵癘民無夭札休哉醫道
之隆而世道之幸也近代
視爲方伎之術而忽之士

大夫多不習此而習此者
又未必皆深造有得之士
此醫道日衰而人費無筭
矣善乎昔人有言曰醫非
仁愛之士不可託也非聰

明智慧讀書達理之儒不可任也非廉潔純良篤誠無僞之君子不可信也備乎此者其爲吾天士吳年翁乎吳年翁于今歲仲夏

以應北闈鄉試入都門甫
月餘遂交相傳頌其醫驗
之神凡賓朋會集咸以此
爲新奇聞見余私心計曰
吳年翁之制舉藝及今古

詩歌文詞余固讀之而心
折矣乃又精于醫有若此
乎雖心艷之而猶未敢盡
信也未幾病甚時正酷暑
病復燥熱煩渴如身坐爐

毋畏怖。毋掣吾肘。則請以
月易日。前之五月不愈者。
今以五日收功。余喜甚。然
見其舉方用藥。皆大溫大
補。絕無一味似治痢者。亦

肌余嘆爲異且謝得生吳
年翁曰未也如前劑更倍
之又令日盡二劑如是二
十餘日而後可起果一一
如其言既起而復思之轉

不勝鼓慄戰懼如此病狀
如此暑月任千百醫人無
不視爲大熱之症而投以
極寒之劑若非吳年翁隔
垣之視余豈有生理乎自

茲有生之年。皆吳年翁之
賜也。因問醫之神竒。若此
亦有所著述否乎。乃以醫
驗錄初集惠教。余讀竟不
禁掩卷嘆曰。醫豈易言哉。

此其中有真學焉有深識
焉有通天人之理而神變
化之用焉讀此而後知醫
不可以慢試藥不可以輕
嘗也又問既有初集當必

有二集答曰二集積案尤
多第未能付梓耳卽索原
稿閱之更覺得心應手亦
如此日治病舉方多爲流
俗所驚駭及旣效而請悉

其理則又至中至正至真
至確絕非有意求異于人
而人自不能窺其涯際盖
其學博其理明其識透且
其人篤誠其心慈愛而其

作用則變化無方神妙莫測殆以聖賢學問而加以菩薩心運神仙術者乎擬俟涼秋與諸同年共謀代付剗劖以作濟世津梁無

何榜屈劉蕡知交嘆憤遂
令吳年翁感慨悲歌浩然
有歸志余與諸同年願資
館俸公留讀書京邸以待
來科獲雋其柰留愈堅而

辭愈力。細詢其故于袖中。
出長安秋興四首。指其中
一聯示余。有曰七十年餘。
雙白髮。三千里外。一青氈。
讀之凄然。知其思親念切。